

# Betulkah ada lagi orang tentang lawatan Dr Mahathir?

KUNTA Kinte terkejut baca berita Datuk Mohamed Rahmat selar pihak-pihak yang tidak setuju dengan lawatan Datuk Seri Dr Mahathir Mohamad ke luar negara kononnya bazir duit.

Kunta Kinte terkejut pasal sepanjang yang Kunta Kinte ingat dan tahu, sudah lama kita tak dengar tuduhan atau kecaman macam itu.

Kunta Kinte pun rasa pelik juga pasal berita yang petik kenyataan Menteri Pencerangan itu, terbit sebaik saja Perdana Menteri bertolak untuk lawatan rasmi ke negeri China Ahad lalu.

Bukanlah Kunta Kinte nak persoal ketepatan berita yang petik Datuk Mohamed Rahmat itu, cuma Kunta Kinte berasa tak sedap sikit pasal dah lama kita tak dengar cakap macam ini.

Tak tahulah, boleh jadi Menteri Penerangan kita itu tahu apa yang kita tak tahu.

Yang kita tahu dan kita dengar ialah rakyat jelata umumnya bangga dengan apa yang Dr Mahathir buat untuk Malaysia di gelanggang antarabangsa sampai Malaysia diterima sebagai jurucakap negara membangun dan negara Selatan.

Sejak Dr Mahathir mula terajui negara dan bagiperhatim berat kepada hal-ehwal antarabangsa, bukan saja negara kita jadi tambah terkenal, malah ekonomi kita juga makin kukuh.

Boleh jadi ramai su-

*Dr. Fathulhaziz*  
Forum Trips  
'Kunta Kinte terkejut pasal sepanjang yang Kunta Kinte ingat dan tahu, sudah lama kita tak dengar tuduhan atau kecaman macam itu'

dah lupa yang Dr Mahathir jelajah dunia untuk perkenal dasar Malaysia dan tarik pelaburan asing bukan lagi hal baru. Sejak mula jadi Timbalan Perdana Menteri merangkap Menteri Perdagangan dan Perusahaan pada tahun 1976, Dr Mahathir sudah jelajah dunia untuk tarik pelaburan.

Masa itu dia banyak jalankan kerja Menteri Perdagangan dan Perindustrian pasal sebagai Timbalan Perdana Menteri, dia tak diberi banyak tugas oleh Allahyarham Tun Hussein Onn.

Ini pun bukan pasal dia tak tahu buat kerja. Tapi pada masa itu yang lebih berpengaruh ke atas Tun Hussein ialah Tengku Razaleigh Hamzah dalam bidang ekonomi dan Tan Sri Ghazali Shafie dalam hal politik dan keselamatan.

Jadi pasal tak ada banyak kerja dalam negara, Dr Mahathir habiskan banyak masa di luar negara dengan memimpin rombongan per-

dagangan dan pelaburan.

Sebab itulah sebaik saja jadi Perdana Menteri pada tahun 1981, dia perkenal banyak idea baru dalam bidang ekonomi dan pelaburan.

Antara idea itu ialah projek kereta nasional, bank Islam dan dasar luar negara yang cergas. Ini semua dia belajar masa jadi Timbalan Perdana Menteri merangkap Menteri Perdagangan dan Perindustrian.

Sekarang dalam apa juga perbincangan antarabangsa, nama Malaysia tidak asing lagi. Dalam sidang kemuncak dunia mengenai alam sekitar dan pembangunan di Rio de Janeiro, Brazil, Jun tahun lalu negara kita mainkan tugas penting.

Walaupun Dr Mahathir wakili negara kecil, dia diberi perhatian luar biasa oleh peserta persidangan dan media massa antarabangsa. Ini semua pasal Dr Mahathir berani kata apa yang patut dikata.

Orang lain pun cakap juga, tapi tidaklah terus

terang macam Dr Mahathir. Lagipun orang beri perhatian istimewa kepada Malaysia pasal negara dan pemimpin kita ada kewibawaan.

Malaysia berjaya wujudkan masyarakat berbilang kaum dan agama yang aman damai, catat kemajuan ekonomi tinggi dan berterusan, bahu-gi kekayaan negara dengan adil, kurangkan kadar kemiskinan dan jadi negara Islam sederhana.

Sekarang negara kita sekalilagi disebut-sebut sebagai suara yang patut didengar dan diberi perhatian. Kali ini di persidangan mengenai hak asasi manusia di Vienna, Austria.

Kesimpulannya Dr Mahathir sudah letak Malaysia di satu tempat yang tinggi dan berwibawa dalam arena antarabangsa yang kita semua harus sama-sama pastikan ia kekal.

Dengan latar belakang inilah Kunta Kinte kata Kunta Kinte terkejut dan tidak puas hati bila dengar Datuk Mohamed Rahmat kata ada orang atau pihak yang bantah lawatan Dr Mahathir ke luar negara kononnya bazirkan duit.

Siapa orang itu dan di mana pula dia kata macam itu? Pasal berita ini berat, Kunta Kinte rasa kita kena tahu siapa yang Menteri Penerangan maksudkan. Kita tak boleh main-main dengan halmacam ini.

**KUNTA KINTE.**